

**Inatsisartut aalajangiiffigisassaattut siunnersuut: Meeqqat ADHD-mik aamma autisme-
mik nappaateqartut siusinnerusukkut paasineqartarnissaannut qanoq
pitsanngorsaasoqarsinnaaneranut pilersaarummik Naalakkersuisut suliaqaqqullugit
peqquneqarnissaannut Inatsisartut aalajangiiffigisassaattut siunnersuut**
Inatsisartunut ilaasortaq Mikivsuk Thomassenimit, Inuit Ataqatigiit, saqqummiunneqartooq

pillugu

Ilaqutariinnermut Peqqissutsimullu Ataatsimiititaliap

Siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Bjørk L. Kristensen, Demokraatit, siulittaasup tullia
Inatsisartunut ilaasortaq Hans Peter Poulsen, Siumut
Inatsisartunut ilaasortaq Mikivsuk Thomassen, Inuit Ataqatigiit
Inatsisartunut ilaasortaq Eqaluk Høegh, Inuit Ataqatigiit
Inatsisartunut ilaasortaq Najaaraq Møller, Siumut
Inatsisartunut ilaasortaq Paneeraq Olsen, Naleraq

UKA2022-imi ulloq 13. oktober 2022-imi siullermeerinerup kingorna siunnersuut
ataatsimiititaliap misissorpaa.

Siunnersuutip imarisaa siunertaalu

Meeqqat ADHD-mit aamma autisme-mik nappaateqartut siusinnerusukkut
paasineqartarnissaannut qanoq pitsanngorsaasoqarsinnaaneranut pilersaarummik
suliaqartoqarnissaanik, taamaalilluni meeqqat angajoqqaallu pitsaanerumik
tapersersorneqartarnissaat qulakkeerinissaq siunnersuummi siunertarineqarpoq.

Siunnersuutip Inatsisartunit siullermeerneqarnera

Siullermeerinninnermi immikkoortoq, immikkoortunut 78-imut aamma 89-imut ilanngullugu
ataatsimoortillugit oqaluserineqarput.

Siunnersuutit pingasuusut suliarinerinerini meeqqat inuusuttullu tarnimikkut nappaatillit
nappaatillillu qulaajaavigineqartarnerinut katsorsarneqartarnerinullu atugassarititaasut

pitsanngorsaavigineqarnissaat tapersorsorluarneqarpoq. Meeqqanut tarnimikkut napparsimasut nappaatilillu angajoqqaavinut pitsaannerusumik paasissutissiisoqartarnissaa ikiorsiisoqartarnissaalu ilanngullugu oqaatigineqarpoq.

Immikkoortunut 30-imut aamma 89-imut ima allannguutissatut siunnersuummik Naalackersuisut saqqummiussaqaqput:

"Peqqinnissaqarfimmi tarnip pissusaanut, tassunga ilanngullugit meeqqanut inuusuttunullu tarnip pissusaanik ilisimasalinnut tunngasutigut ineriartortitsinissamut Naalackersuisut pilersaarummik suliaqarnissaannut peqquneqarnissaannik Inatsisartut aalajangiiffigisassaattut siunnersuut. Pilersaarut pitsaannerusumik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutinik tigussaasunik imaqaassaaq. Ineriartortitsinissamut pilersaarut kingusinnerpaamik UPA2024-mi saqqummiunneqassaaq"

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuummut tunngavilersuutitut allanneqassasut.

Siullermeerinninnermi akissuteqaammi Meeqqanut, Inuusuttunut, Ilaqutariinnermut Peqqissutsimullu Naalackersuisup paasissutissiissutigaa, meeqqanut tarnimikkut nappaatilinnut suliniutitut 3 mio. kr.-t AIS2023-imut immikkoortinneqarsimasut.

Konto pingaarneq 20.11.70-imi "Meeqqanut tarnimikkut napparsimasunut suliniutit"-nut aningaasanik immikkoortitsisoqarsimasoq takuneqarsinnaavoq.

Siullermeerinninnermi Meeqqanut, Inuusuttunut, Ilaqutariinnermut Peqqissutsimullu Naalackersuisup akissuteqaammuni oqaatigaa AIS2023-imut Dronning Ingrid-p Napparsimavissuani nuna tamakkerlugu meeqqanut immikkoortortamik pilersitsinissamut 8,7 mio. kr.-inik immikkoortitsisoqarsimasoq.

Aningaasaqarnermut Akileraartarnermullu Ataatsimiititaliap konto pingaarneq 34.11.03, Dronning Ingrid-p Napparsimavissua (Ingerlatsinermit aningaasaliissutit) aningaasarsianut aningaasartuutit qaffaataat Aningaasaqarnermut Naligiissitaanermullu Naalackersuisup nassuiaaneratut, meeqqanut immikkoortortaqaqarfimmi sulisunut 8.7 mio. kr. aningaasarsianut aningaasartuutit ilaatigut immikkoortinneqarsimapput.

Ataatsimiititaliap taamaattumik sukumiisumik isumaliutigisimavaa siunnersuutip piviusunngortinneqarnera aningaasaliissutaareersut saniatigut qanoq aningaasatigut kinguneqassanersoq. Tamanna tunngavigalugu aalajangiiffigisassatut siunnersuutigineqartut akuerineqarnerisigut aningaasat AIS2023-imut immikkoortinneqareersut saniatigut annertunerusumik aningaasatigut kinguneqarnaviangitsut ataatsimiititaliamit nalilerneqarpoq.

Allakkatigut apeqquteqaatit

Ataatsimiititaliap suliaqarnermini allakkatigut apeqqutinik arlalinnik Naalakkersuisumut nassiussaqqarpoq. Taakku isumaliutissiisummut ilanngussaq 1-itut kakkiunneqarput.

Siunnersuereernerup kingorna allakkatigut apeqquteqaqqittoqarpoq taakkulu isumaliutissiisummut ilanngussaq 2-tut kakkiunneqarput.

Sassartitsinerit

Ataatsimiititaliap suliarinninnermini uku sassartippai (Meeqqanut, Inuusuttunut, Ilaqutariinnut Peqqissutsimullu Naalakkersuisumit peqataaffigineqartumik):

- Peqqinnissaqqarfimmi aqutsisut
- Tarnimikkut nappaatilinnik sullissinermi aqutsisut

Tarnimikkut nappaatilinnut suliaqqarfimmi ingerlatsineq, matumani ilanngullugit sulisut amerlassusaat, sulisussarsiornermi unammilligassat kiisalu ullumikkut ajornartorsiutaasut pilugit paasissutissanik ataatsimiititaliap pissarsitinneqarpoq. Napparsimasunut tamanut misissuisarnissap- katsorsaasarnissap- aamma malitseqartitsinissamut neqerooruteqartarnissap attatiinnarneqarnissaanut annertuumik unammilligassaqqarmat pingaartumillu aasaanerani unamminartartoq ataatsimiititaliap paasilluarpaa. Sulinermi atugassarititaasut annertuumik ajornartorsiutaapput tarnimikkullu nappaatilinnut tunngasunik ineriartortitsiniarnermi annertuumik aporfiusarlutik. Immikkoortut 30, 78 aamma 89-p piviusunngortinniarneqarnerinut annertuumik tamanna ajornartorsiutaasooq ataatsimiititaliap naliliivoq.

Siunnersuineq

Meeqqanut, Inuusuttunut, Ilaqutariinnermut Peqqissutsimullu Naalakkersuisooq ulloq 10. marts ingerlanneqartumut ataatsimiititaliamit aggersarneqarpoq. Ataatsimiititaliap apeqquteqaatai Naalakkersuisullu akissuteqaatai isumaliutissiisummut ilanngussaq 3-tut ilanngunneqarput.

Ataatsimiititaliap siunnersuummik suliarinninnera

Meeqqat inuusuttullu tarnikkut eqqarsartaatsikkullu peqqissusaannut tunngatillugu suliniutit nukittorsarneqarnissaat pillugu naalakkersuinikkut annertuumik tapersorsorneqartoq ataatsimiititaliap maluginiarpaa. Aamma pineqartup naalakkersuinikkut suliaqarnermi annertunerusumik eqqumaffigineqartariaqartoq ataatsimiititaliamit nalilerneqarpoq.

Meeqqat inuusuttullu tarnimikkut nappaatillit katsorsarneqarnissaannut utaqqisut appartinneqarnissaannut 2023-imut Aningaasanut Inatsimmi aningaasanik immikkoortitsisoqarsimasoq Naalakkersuisut akissuteqaataanni allassimavoq. Matumani meeqqat inuusuttullu eqqortumik sukkanerusumillu ikiorneqarnissaat qulakkeerumallugu. Tamatuma saniatigut peqqinnissaqarfimmi tarnimikkut nappaatilinnut ineriartortitsinissamut pilersaarummik suliaqartoqarnissaa pilersaarutaavoq. Pilersaarummi tamatumani sammineqarnerani pitsaannerusumik sumiissusersineqartarnissaat, qulaajaavigineqartarnissaat katsorsarneqartarnissaallu qulakkeerniarneqarluni, ineriartortitsinissamullu pilersaarutip suliarineqarnerani peqqinnissaqarfimmi sulisut attuumassutillit tarnimikkut nappaatilinnik suliaqartut akuutinneqarnissaat naatsorsuutigineqarpoq.

Immikkoortunut 30-imut 89-imullu siunnersuutit piviusunnngortinneqarnissaannut akimmisaarutinut tunngatillugu ineriartortitsinissamut pilersaarummik suliaqarnissaaq pillugu allannguutissatut siunnersuutigineqartup ingerlanneqarnissaa piviusorsioitsuusoq Naalakkersuisut nalilermassuk ataatsimiititaliamit maluginiarneqarpoq, siunnersuutaqqaartorli piviusunnngortikkuminaannerussasoq, tarnimikkut nappaatilinnik sullissinermi sulisoqarniarnikkut unammilligassaqarnera pissutigalugu.

Tarnimikkut nappaatilinnut immikkoortortaqaqarfimmi peqqinnissaqarfimmi sulisunut attuumassutillinnut paarlaasarnissamut aaqqissuussisinnaanissamut ikiorserneqarnissaaq pillugu Naalakkersuisut danskit naalagaaffiannik oqaloqateqartut ataatsimiititaliap apeqquteqaataanut Naalakkersuisut akissuteqarmata naggataatigut ataatsimiititaliamit oqaatigineqassaaq.

Ataatsimiititaliap inassuteqaatai

- Ataatsimiititaliap isumaqatigiittup allannguutissatut siunnersuut saqqummiuppa taassumalu akuerineqarnissaa inassutigalugu:

"Peqqinnissaqarfimmi tarnip pissusaanut, tassunga ilanngullugit meeqqanut inuusuttunullu tarnip pissusaanik ilisimasalinnut tunngasutigut ineriartortitsinissamut Naalakkersuisut pilersaarummik suliaqarnissaannut peqquneqarnissaannik Inatsisartut aalajangiiffigisassaattut siunnersuut. Pilersaarut pitsaannerusumik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutinik tigussaasunik imaqaassaaq. Ineriartortitsinissamut pilersaarut kingusinnerpaamik UKA2023-mi saqqummiunneqassaaq".

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappasaaniigassanngortippaa.

Mala Høy Kúko
Siulittaasoq

Bjørk I. Kristensen
Siulittaasup tullia

Hans Peter Poulsen

Najaaraq Møller

Mikivsuk Thomassen

Eqaluk Høegh

Paneeraq Olsen



INATSIARTUT

Ilanngussaq Bilag

1

Meeqqanut, Inuusuttunut, Ilaqutariinnut
Peqqissutsimullu Naalackersuisoq
pn@nanoq.gl

Ulloq: 01-11-2022
J.nr.:01.38.01.03-00161

Ataatsimiititaliap suliaqarnerminut atatillugu apeqquteqaatit

Immikkoortunik 30, 78 aamma 89-imik ataatsimiititaliap suliaqarneranut atatillugu Ilaqutariinnermut Peqqissutsimullu Ataatsimiititaliaq allakkatigut apeqquteqarniarpoq. ***Inatsisartuni aappassaaneerinissaq eqqarsaatigalugu ajornanngippat suliffiit ullut arfineq marluk iluini ataani allassimasut akineqarnissaat ataatsimiititaliap kissaatigaa.***

1. Meeqqat ADHD-qartut aamma autismeqartut taakkulu siusissukkut nappaataasa suussusersiniarneqarnissaannut pilersaarummut tunngassuteqarpoq, imm. 89 -mi meeqqanut ADHD-qartunut, ADD-qartunut, autismeqartunut aamma/imaluunniit angsteqartartunut immikkut ilisimasalinnik 1. juni 2023-i nallertinnagu kaammattuuteqartussanik pilersitsinissamut imm. 30-imi pineqarput. Siunnersuutitut marlunnut allannguutissatut siunnersuutitut kingusinnerpaamik UPA2024-imut piffissaliisimanermut atatillugu ataatsimiititaliaq apeqquteqarumavoq. Akissuteqaammi aamma allassimasoqarpoq AIS23-imut aningaasanik pingaarnersiuisoqarnissaa kissaatigineqartoq. Taama pilersaaruteqarnermut tunngaviusoq sukumiinerusumik nassuiarneqarnissaa ataatsimiititaliap kissaatigaa.
2. Peqqinnissaq Pillugu Ataatsimiititaliarsuaq ukioq 2023-imi kaammattuutiminik saqqummiussaqaarniarpoq. Tassunga atatillugu tarnimikkut nappaatilinnut sullissinerup iluani suliniuteqartoqarniarnersoq taakkulu 2023-mi atuutilersinniarneqarnersut nassuiaatigineqarnissaat ataatsimiititaliap kissaatigaa?
3. Ineriartortitsinissamut pilersaarut pillugu Naalackersuisunit imaluunniit ilinniagaqassuseq tunngavigalugu peqqinnissakkut sullissisunit/peqqinnissakkut sullissisunit suliariniarneqarnersoq ataatsimiititaliamit qulakkeerumaneqarpoq?
4. Immikkoortoq 30-imut tunngatillugu ataatsimiititaliamit paasineqarpoq, suliamik aallartitsinissaminut Naalackersuisut piareersimasut, ima paasisariaqarpa ADHD-tut aamma autismeqartut kisiisa pingaarnertut sullinniarneqartut?
5. Imm. 78: "Nuna tamakkerlugu meeqqanut immikkoortortaqaarfik"-immut tunngatillugu uninngaviit M2 aamma K3 meeqqanut suliaasaqarfimmik isumaginnereersut saniatigut immikkoortortaqaarfiup sorliup suliaasaqarfik akisussaaffigissaneraa ataatsimiititaliamit

paaserusunneqarpoq. Sumi inissinniarneqarpa aamma qanoq ilinniagaqarsimanissaq eqqarsaatersuutigineqarsimava?

6. Meeqqanut immikkoortortaqrifiit ataatsimoortinneqalissappata suliassaqrifiit sorliit pingaarnerutinneqassappat?
7. Siunnersuutaaqqaartumi timikkut aamma tarnimikkut nappaatillit sullinneqarnerat sammineqarpoq, matumani UPA2023-i nallertinnagu suleqatigiissitaliaq innersuussutinik saqqummiussaqaassalluni, tamatuma saniatigut annertunerusumik ilinniakkatigut piginnaasalinnik pisariaqartitsineq pillugu meeqqanut immikkoortortaqriffimmik pilersitsinissamut misissueqqissaarnissamut kingusinnerpaamik UPA2024-mi Naalackersuisut allannguutissatut siunnersuutigisaat kinguneqassava? Tamatuma tulleriissaarneqarnera tamatumunngalu tunuliaqutaasoq sukumiinerusumik itisiliivigineqarnissaa ataatsimiititaliap kissaatigaa?

Qulaani apeqqutigineqartut pillugit sapinngisamik piaartumik ataatsimiititaliap akissutisinissani kissaatigaa. Akissuteqaat kalaallisut danskisullu mika@inatsisartut.gl -imut aamma (inatsisartut@inatsisartut.gl) -imut nassiunneqarnissaat kissatigineqarpoq.

Qujareerlunga,

Ilaqutariinnermut Peqqissutsimullu Ataatsimiititaliaq sinnerlugu
Inussiarnersumik inulluaqqusillunga

Anna Wangenheim
Siulittaasuugallartoq





Ilaqutariinnermut Peqqissutsimullu Ataatsimiititaliaq
inlun@ina.alla.gl, MIKA@inatsisartut.gl, inatsisartut@inatsisartut.gl

Ilaqutariinnermut Peqqissutsimullu Ataatsimiititaliamit UKA2022/30/78/89 pillugit apeqquutinut akissuteqaatit

Ilaqutariinnermut Peqqissutsimullu Ataatsimiititaliap apeqquuteqaataanut qujanaq. Apeqquutit tullinnguuttuni uteqqinneqarput akineqarlutillu.

1. Imm. 30 Meeqqat ADHD-qartut aamma autismeqartut taakkulu siusissukkut nappaataasa suussusersiniarneqarnissaannut pilersaarummut tunngassuteqarpoq, imm. 89 -mi meeqqanut ADHD-qartunut, ADD-qartunut, autismeqartunut aamma/imaluunniit angsteqartartunut immikkut ilisimasalinnik 1. juni 2023-i nallertinnagu kaammattuuteqartussanik pilersitsinissamut imm. 30-imi pineqarput. Siunnersuutinut marlunnut allannguutissatut siunnersuutinut kingusinnerpaamik UPA2024-imut piffissaliisimanermut atatillugu ataatsimiititaliaq apeqquuteqarumavoq. Akissuteqaammi aamma allassimasoqarpoq AIS23-imut aningaasanik pingaarnersuiisoqarnissaa kissaatigineqartoq. Taama pilersaaruteqarnermut tunngaviusoq sukumiinerusumik nassuiarneqarnissaa ataatsimiititaliap kissaatigaa.

Akissut:

Meeqqat inuusuttunullu tarnimikkut nappaatillit atugaat meeqqanik inuusuttunullu tarnimikkut nappaatillit atugaasa nukittorsaasoqarnerisigut pissutsit tamakku pitsanngorsarneqartariaqartut Naalakkersuisut naliliipput. Taamaattumik 2023-mut Aningaasanut inatsimmi aningaasanik ilaatigut meeqqat inuusuttunullu tarnimikkut nappaatillit katsorsarneqartarnissaminnut utaqqisartut utaqqisarnerisa sivikillineqarnissaannut atorneqassapput. Ilaatigut qulaajaanissamut sivikinnerusumik utaqqisarnerit pingaaruteqarput, taamaalillutik meeqqat inuusuttuaqqallu sukkanerusumik eqqortumik ikiorsinnaaniassagatsigit.

Meeqqanik inuusuttuaqqanillu tarnimikkut nappaatilinnik pingaarnersuiisoqartariaqarnerata saniatigut Peqqinnissaqarfimmi tarnimikkut napparsimasut pingaarnermik ineriartortitsinissanik pisariaqartitsisoqartoq Naalakkersuisut nalilerpaat. Taamaattumik UKA2022/30/89-mut Naalakkersuisut allannguutissatut siunnersuummik saqqummiussaqqarput, tassani kingusinnerpaamik UPA2024-mut ineriartortitsinissamik pilersaarut saqqummiunneqassaaq, tarnimikkullu napparsimasut pitsaanerusumik sumiissusersineqartarnissaat, qulaajaaffigineqartar-

nissaat katsorsarneqartarnissaallu pillugit suliniutissat siunnersuutinik saqqummiussisoqassalluni.

2. Peqqinnissaq Pillugu Ataatsimiititaliarsuaq ukioq 2023-imi kaammattuutiminik saqqummiussaqaarniarpoq. Tassunga atatillugu tarnimikkut nappaatilinnut sullissinerup iluani suliniuteqartoqarniarnersoq taakkulu 2023-mi atuutilersinniarneqarnersut nassuiaatigineqarnissaat ataatsimiititaliap kissaatigaa?

Akissut:

Peqqinnissaq pillugu ataatsimiititaliami sulineq politikikkut suliassatut akuersissutigineqarnerat aallaavigineqarpoq. Peqqinnissaq pillugu ataatsimiititaliaata isumaliutissiissutaa 2023-mi Upernaakkut Inatsisartut ataatsimiinnissaannut tiginissaa Naalakkersuisut naatsorsuutigaat, kisianni Peqqinnissaq pillugu ataatsimiititaliap isumaliutissiissuutissata imarisasaanut Naalakkersuisut sunniuteqanngillat.

Peqqinnissaq pillugu ataatsimiititaliami sammisaq "Kalaallit Nunaanni tarnimikkut nappaatilinnik katsorsaasarnerit aamma tarnimikkut erloqissutillit" juni 2021-mi ataatsimiinnermi oqaluuserineqarsimasoq paasissutissiissutigineqarsinnaavoq¹.

Tamatuma saniatigut Peqqinnissaq pillugu ataatsimiititaliami politikikkut malinnaatitsisoqatigiit Naalakkersuisunit innersuunneqarput.

3. Ineriartortitsinissamut pilersaarut pillugu Naalakkersuisunit imaluunniit ilinniagaqassuseq tunngavigalugu peqqinnissakkut sullissisunit/peqqinnissakkut sullissisunit suliariniarneqarnersoq ataatsimiititaliamit qulakkeerumaneqarpoq?

Akissut:

Peqqinnissaqarfimmi sulisut attuumassutillit tarnimikkut nappaatilinnik suliaqartut Peqqinnissaqarfimmi tarnimikkut nappaatilinnik sullissineri ineriartortitsinissanut pilersaarusiornernut peqataatinneqarnissaat Naalakkersuisut aalajangiisuulluinnartutut isigaat.

4. Immikkoortoq 30-imut tunngatillugu ataatsimiititaliamit paasineqarpoq, suliamik aallartitsinissaminnut Naalakkersuisut piareersimasut, ima paasisariaqarpa ADHD-tut aamma autismeqartut kisiisa pingaarnertut sullinniarneqartut?

Akissut:

Naalakkersuisut UKA2022/30/89-imut allannguutissatut siunnersuuteqarnermikkut Peqqinnissaqarfimmi tarnimikkut nappaatilinnik sullissinerisa pingaarnertut ineriartortitsinissanik pilersaarummik aallartitsisoqarnissaa kissaatigaat. Pilersaarut pitsaanerusemik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutinik tigussaasunik qitiutitsiffiussaaq.

¹ SuKo allakkiaq nr. 7 Kalaallit Nunaanni tarnimikkut nappaatilinnik katsorsaasarnerit aamma tarnimikkut erloqissutillit - Peqqinnissaq pillugu ataatsimiititaliaq juni 2021-mi ataatsimiinneq – [link](#).

Aammattaaq apeqqut 1-imut akissut takuuk.

5. **Imm. 78: "Nuna tamakkerlugu meeqqanut immikkoortortaqarfik"-immut tunngatillugu uninngaviit M2 aamma K3 meeqqanut suliassaqarfimmik isumaginnereersut saniatigut immikkoortortaqarfiup sorliup suliassaqarfik akisussaaffigissaneraa ataatsimiititaliamit paaserusunneqarpoq. Sumi inissinniarnearpa aamma qanoq ilinniagaqarsimanissaq eqqarsaatersuutigineqarsimava?**

Akissut:

Nuna tamakkerlugu meeqqat maannakuugallartoq, Nakorsaatinik Katsorsartittut Immikkoortortaqarfianni, M2-miittumi inersimasunik peqateqarlutik unitsinneqartarput, tamatumani siniffiit meeqqanut angajoqqaanullu salliutinneqartarput. Meeqqanut immikkut namminerisamillu immikkoortortaqalerneq misissortinnissamut - aamma katsorsartinnissamut pitsaanerulersitsissaaq, aamma misissortinnissamut, katsorsartinnissamut isumagineqarnissamullu meeqqat immikkut pisariaqartitaat pitsaanerusumik periarfissinneqarnissaat naammassineqarsinnaalissaaq. Meeqqanut immikkoortumi meeqqat ataasiakkaat inissaqartilluarnissaannut periarfissaqalissaaq taamaalillutillu aamma ilaqutariit qitiutinneqalerlutik. Tamanna ilutigalugu meeqqanik nakorsaasarnernik misilittagalinnik aamma meeqqanik nakorsaasarnepup suliassaqarfiani ineriartortitsinissamik ilinniartitaanissamillu immikkut soqutigisaqartunik sulisussarsiorneq ajornarunnaassaaq taamaalillunilu immikkoortortami nammineertumi meeqqanut naleqqussakkanik suliniuteqarnissanut tunngavissiisinaasunik.

Nuna tamakkerlugu meeqqanut immikkoortortaqarfik arfineq-pingasunik siniffeqassaaq taakkulu maannakut iluutigineqartuni inissaqartinneqassapput. Illuutit ilaannik allanngortiterinerit aallartinneqarsimapput, taamaalillutik meeqqanut immikkoortortamut ammaanissamut illuutitigut akornutissaqanngilaq.

Meeqqanut immikkoortortaqarfimmi aamma meeqqat amerluttut katsorsarneqarnissaat tunngavissinneqarsinnaavoq, tassami suliassaqarfik amerlanerusunik sulisoqalersussaammat.

Sulisunut aningaasartuutit tullinnguuttunut immikkoortitigaapput: peqqissaasut, peqqinnissamik assistentit, perorsaasut, nakorsat immikkut ilinniarsimasut/meeqqanik nakorsaasartut.

Aningaasaliissutit 8,7 mio. kr.-usut akissarsianut aningaasartuutitut 8,5 mio. kr.-nik agguataagaapput (nammineq aningaasaliissutigisat iluini akissarsianut aningaasartuutit 1 mio. kr.-nik ilallugit) aamma ingerlatsinermut 200.000 kr.-t.

6. **Meeqqanut immikkoortortaqarfiit ataatsimoortinneqalissappata suliassaqarfiit sorliit pingaernerutinneqassappat?**

Akissut:

Apeqqut 5-imut akissutigineqartumut innersuunneqarpoq.

7. **Siunnersuutaaqqaartumi timikkut aamma tarnimikkut nappaatillit sullinneqarnerat sammineqarpoq, matumani UPA2023-i nallertinnagu suleqatigiissitaliaq innersuussutit saqqummiussaqaassalluni, tamatuma saniatigut annertunerusumik ilinniakkatigut piginnaasalinnik pisariaqartitsineq pillugu meeqqanut immikkoortortaqarfimmik pilersitsinissamut misissueqqissaarnissamut kingusinnerpaamik UPA2024-mi Naalakkersuisut allannguutissatut siunnersuutigisat**

**kinguneqassava? Taamatut tulleriaarinerup tamatumunngalu pissutaasup
itisilerneqarnerunissaat Ataatsimiitittialiamit kissaatigineqarpoq?**

Akissut:

Naalackersuisut 2023-mut Aningaasanut Inatsisissatut Siunnersuummut suliniutinik marlunnik saqqummiipput, taakkulu maannakut Peqqinnissaqarfimmi meeqqat inuusuttullu atugaasa pitsanngorsarneqarnissaannut siunertaqarput. Taamaattumik Naalackersuisut kissaatigaat aningaasanik immikkoortitsisoqassasoq taamaalilluni Dronning Ingridip Napparsimmavissuani nuna tamakkerlugu meeqqanut immikkoortortamik pilersitsisoqassasoq aamma Meeqqat Inuusuttuaqqallu tarnimikkut nappaatillit atugaat pitsanngorsarneqassasut.

Tamanna ilutigalugu Naalackersuisut paasivaat peqqinnissaqarfimmi meeqqanik inuusuttuaqqanillu suli pitsanngorsaasoqaaqqittariaqartoq, misissortinnissanullu pinasuannigitsunut utaqqineq sivikillingaatsiassappat suliatigut piginnaasat nukiillu pisariaqartitat suunersut qulaajarneqartariaqarput. Nassuiaat aningaasatigut naatsorsuutilik kingusinnerpaamik UPA2024-mi saqqummiunneqassaaq.

Inussiamersumik inuulluaqqusillunga


Mimi Karlsen

Peqqissutsimut Naalackersuisoq



Ilaqutariinnermut Peqqissutsimullu Ataatsimiititaliaq
MIKA@ina.alla.gl

Tarnikkut nappaatilinnut sullissinnermut tunngasumik 3. april 2023-mi saaffiginnissummut akissuteqaat

18-04-2023
Suliap normua 2023 - 6787
All. nr. 22854623

Ilaqutariinnermut Peqqissutsimullu ataatsimiititaliap ulloq 3. april 2023-mi saaffiginnissutaanut siunersiuineq 10. marts 2023-mi ingerlanneqartumut apeqquummut 6-imut tunngasumik Naalakkersuisut tigusaminnut qujapput.

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

Oqaatigineqassaaq ataatsimiititaliap apeqqutaanut tamanut allakkatigut akissutit ataatsimoortut ataatsimiititaliamut 16. marts 2023-mi nassiunneqarmata.

Naalakkersuisut soorunami sapinngisamik erseqqissumik piaartumillu akissuteqarusuttarput. Pisumi tassani ataatsimiititaliap apeqquummut 6-imut ilaanut akissut naammaginangitsoq innersuuppaa: "Taama nalunaaruteqarnissaq siunissamilu suliniutaasussanut, aalajangiiffigisassatullu siunnersuutinut pineqartunut siunertarineqartunut qanoq sunniuteqassava?"

Apeqqutit akissutillu ataatsimoortut imaapput:

"6. Peqqinnissaqarfiup ilinniarsimasunik sulisussarsiornerani unammilligassat aammalu sassartitsinnermut atatillugu Naalakkersuisup oqaatigaa pingaarnersiunerme nalunaarsuiffik ersarisoq pillugit qaqugu tamanut nalunaarutiginnissaat qaqugu pinissaa Naalakkersuisut naatsorsuutigaa? Taama nalunaaruteqarnissaq siunissamilu suliniutaasussanut, aalajangiiffigisassatullu siunnersuutinut pineqartunut siunertarineqartunut qanoq sunniuteqassava?"

Akissut:

Peqqinnissaqarfimmi sulisussarsiornermik unammilligassat pillugit Naalakkersuisut ulloq 3. marts 2023 tusagassiorfinnut nalunaarummi ilisimatsissuteqarput. Tassani takuneqarsinnaavoq peqqinnissaqarfimmi ajornartorsiutit qaangerniarlugit suliniutit aalajangersimasut pingasut aallartinneqartut.

- 1) Kalaallit Nunaat tamakkerlugu nakorsanut taartaasartunullu ikorfartuinnermut qulakkeerinnittussamik nakorsat immikkut ilisimasallit aalajangersimasut pigaartuusarnissaannik aaqqissuussinissaq sulissutiginiarneqarpoq.
- 2) Nunap immikkoortuini nalinginnaasumik sulinerup nukittorsarneqarnissaa sulissutigineqarpoq, taamaalilluni innuttaasut ulluinnarni nappaatiminnik iliuuseqarfiginninniarnernut atatillugu pisariaqartitaannut tunngatillugu pitsaanerusumik iliuuseqartoqassammat
- 3) Innuttaasut sapinngisamik piaartumik eqqortumik katsorsarneqarnissaat qulakkeerniarlugu pinasuartumik pilattaasarnerit qitiusumut katersornissaat sulissutigineqarpoq.

Tamatuma saniatigut tarnimikkut nappaatilinnut immikkoortorta qarfirmi peqqinnissa qarfirmi sulisunut attuumassutilinnut paarlaasarnermut aaqqissuussisinnaanissamut ikiorneqarnissamik Naalakkersuisut danskit naalagaaffiannit oqaloqateqarput.

Tamatuma saniatigut Naalakkersuisut paasissutissiissutigisinnaavaat Inatsisartuni ilaasortanik oqalliseqateqarnissamut peqqinnissa qarfirmut pinasuartumik aningaasaliinissap nutaap saqqummiunnissaa piareersarneqarmat."

Qulaani itisiliinermut tunngasunut atatillugu Ilaqutariinnermut Peqqissutsimullu Ataatsimiititaliaq kissaatigigunarpaa aalajangiiffigisassatut siunnersuutit oqaluuserisassat 30/78/89-mut tunuliaqutaasut akissutissarsiffiginarlugit, tamatumani lu pineqarput peqqinnissa qarfirmi sulisussarsiornermi unammillernartut suliniutit/siunertarineqartut sunnerneqartarnersut.

Ilaqutariinnermut Peqqissutsimullu Ataatsimiititaliamik siunersiu eqatigiinnermit 10. marts 2023-imi pisumit apeqqummut 1-imut akissummi nassuiarneqarpoq tarnikkut nappaatilinnut sullissinermi pingaarnertut ineriartortitsinissamut suliaqartussami avataanit misissueqqissaartartut isumaqatiginninniarfigineqarput.

"Tamatuma kingorna Naalakkersuisut misissueqqisaarnermik suliaqartartoq avataaneersoq peqatigalugu tarnimikkut nappaatilinnik sullissinermi ineriartortitsinissamut pilersaarusiorneq pillugu Naalakkersuisut isumaqatiginninnialersimapput. Suliniutip 2023-mi ukiup affaani siullermi aallartinneqarnissaa aammalu 2024-p aallartinnerani naammassineqarnissaa naatsorsuutigineqarpoq."

Ilaqutariinnermut Peqqissutsimullu Ataatsimiititaliamik siunersiu eqatigiinnermit 10. marts 2023-imi pisumit apeqqummut akissummi aamma nassuiaatigineqarpoq UKA2022/30/89-mut aalajangiiffigisassatut siunnersuummik ineriartortitsinermut pilersaarusiornissamut piviusunngortitsinissamut annerusumik aporfissaqanngitsutut nalilerneqarmat.

- "3. Piviusunngortitsinissamut aporfeqarnersoq pillugu nassuiaasoqarnissaanik Naalakkersuisoq qinnuigineqarpoq:**
- **siunnersuutaqaartut, tassalu immikkoortut 30, 78 aamma 89**
 - **Naalakkersuisut namminneq allannguutissatut siunnersuutaat**

Matumani tarnimikkut nappaatilinnik sullissinermi sulisussanik/ imaluunnit aningaasanik/napparsimasunut tamanut atuuttumik immikkut iliusissanik ineriartortitsinissamut nukit amigaataanerat eqqarsaatigalugu?

Akissut:

Naalakkersuisut isumaqanngillat ineriartortitsinissamut pilersaarusiornermut tunngatillugu UKA2022/30/89-imut allannguutissatut siunnersuutip piviusunngortinnissaanut annertuumik aporfeqassasoq. Siuliani apeqqummut 1-imut akissummi allaaserineqartutut tamatumunnga aallarniutaasumik suliaqarneq aallartinneqareerpoq, taamaalilluni UPA2024-mi saqqummiunneqarsinnaassaaq.


Al2023-mi meeqqat inuusuttullu tarnimikkut nappaatillit sullinneqarnissaminnut utaqqisarnerisa sivikillisinneqarnissaanut ukiumut 3,0 mio.kr.-t kiisalu Dronning Ingridip Napparsimmavissuani nuna tamakkerlugu meeqqanut immikkoortortamik pilersitsinermut ukiumut 8,7 mio.kr.-t aningaasat immikkoortinneqarsimasut UKA2022/78-mut allannguutissatut siunnersuummut piviusunngortitsinissamut tapiutaassapput.

Tarnimikkut napparsimasut immikkoortorta qarfianni inuttaqarniarnikkut pissutsit pissutigalugit UKA2022/78-imi aallaqqaammut aalajangiiffigisassatut siunnersuutip piviusunngortinnissaanut aporfeqartoq Naalackersuisut naliliipput. Allatut oqaatigalugu siunnersuummi oqaatigineqartutut tarnimikkut nappaatilinnik sullissinermi sulisunik suleqatigiissitamut ilanngussinissaq ajornakusoorpoq. Periarfissatut allatut sulisut misilittagaat tarnimikkut nappaatilinnik sullissinermut ineriartortitsinissamut pilersaarummut ilanngunneqarsinnaapput, soorlu tamanna UKA2022/30/89-imi allannguutissatut siunnersuuteqarnermi allaaserineqartoq, taannalu avataanit suleqataasartumit suliarineqarpoq."

Siunnersuummi allaaserineqartutut piffissaliussap sivikinnera eqqarsaatigalugu 2022/89-ip aallaqqaammut aalajangiiffigisassatut siunnersuutip piviusunngortinnissaanut aporfeqartoq Naalackersuisut naliliipput. Taarsiullugu tarnimikkut nappaatilinnik sullissinermut ineriartortitsinissamut pilersaarutip UPA2024-mi saqqummiunneqarnissaa naatsorsuutaavoq.

Naalackersuisut neriuutigaat una itisiliineq akissummut erseqqissaataassasoq.

Inussiarnersumik inuulluarit



Mimi Karlsen

Meeqqanut, Inuusuttunut, Ilaqutariinnut Peqqissutsimullu Naalackersuisoq



Meeqqanut, Inuusuttunut, Ilaqutariinnermut
Peqqissutsimullu Naalakkersuisoq
pn@nanoq.gl

Ulloq: 07-03-2023

J.nr.: 01.38.01.04-00040

Ilaqutariinnermut Peqqissutsimullu Ataatsimiititaliap tallimanngornermi ulloq 10. marts 2023, nal. 13.00-imiit 14.00-imut ataatsimiittarfik Erling Høeghimi siunersiuinissaanut aggeqqusissut

Ilaqutariinnermut Peqqissutsimullu Ataatsimiititaliap siunersiuinissaanut Meeqqanut, Inuusuttunut, Ilaqutariinnermut Peqqissutsimullu Naalakkersuisoq matumuuna aggersarpaa.

Siunersiuinermi immikkoortut **EM2022/30+78+89** oqaluuserinissaat ataatsimiititaliamit kissaatigineqarpoq:

1. Apeqqutigineqartumut siullermut 17. november 2022-imi allakkatigut akissutigineqartuq matumani meeqqanut inuusuttunullu tarnimikkut nappaatillit sullinneqarnissaminnut utaqqisarnerisa sivikillisinneqarnissaat 2023-imut Aningaasanut Inatsimmi ilaatigut immikkoortitsisoqarsimanera innersuusutigalugu Naalakkersuisumit itisilerneqarnissaa aallarniutigalugu ataatsimiititaliamit kissaatigineqarpoq?
2. Ulloq 20. februar sassartitsinermi aningaasat immikkoortinneqarsimasut suli atorneqarsimangitsut ataatsimiititaliamit paasineqarpoq. Atorfiit inuttassarsiorneqarsinnaannginnerinik, atorfiit inuttalernerneqarnissaannut aningaasarsiasaqqartitsinnginnermik, ASA-llu annertuumik ajornartorsiutaaneramik, aamma peqqissutsimut sullissisunik isumaqatigiissuteqarniarnermi ajornartorsiuteqarnermik tamanna kinguneqarpoq, taamaalilluni suli annertunerusumik sulisussarsiornermi periarfissat unamminarnerulerlutik. Ullumikkornit pitsaanagerusumik periuseqarnissaq pillugu aamma aningaasaliissutigineqartut aningaasallu atorneqarsimanginneri pillugit Naalakkersuisoq nassuiaaqquneqarpoq.
3. Piviusunnngortitsinissamut aporfeqarneris pillugu nassuiaaqqarnissaanik Naalakkersuisoq qinnuigineqarpoq:
 - siunnersuutaqqartut, tassalu immikkoortut 30, 78 aamma 89
 - Naalakkersuisut namminneq allannguutissatut siunnersuutaat

Matumani tarnimikkut nappaatilinnik sullissinermi sulisussanik/ imaluunniit aningaasanik/ napparsimasunut tamanut atuuttumik immikkut iliuusissanik ineriartortitsinissamut nukiiit amigaataanerak eqqarsaatigalugu?

4. Siunnersuutigineqartut piviusunngortinneqarnissaannut aningaasat amigaataasimanersut imaluunniit siunnersuutigineqartut piviusunngortinneqarnissaannut sulisunik amigaateqarneq pissutaanersoq pillugu Naalakkersuisoq nassuiaaqquneqarpoq?
5. Immikkoortuni 30 aamma 89 siusinnerusukkut suussusersiniaanermik siusinnerusumik piffissaatillugulu ikiorsiisarnissap sammineqarnissaa pineqarput. Suliassaqarfiit akimorlugit suleqatigiinnermut tunngatillugu pitsaanerusumik Naalakkersuisut qanoq qulakkeerinninniarpas, pingaartumik napparsimmavinnut perorsaasutut ilinniarsimasunik ikiorserneqarnissamut pisinnaatitaaffeqarnermut, MISI aammalu meeqqat atuarfiinik suleqateqarnermut tunngatillugu?
6. Peqqinnissaqarfiup ilinniarsimasunik sulisussarsiornerani unammilligassat aammalu sassartitsinnermut atatillugu Naalakkersuisup oqaatigisa pingaarnersiunerimi nalunaarsuiffik ersarissoq pillugit qaqugu tamanut nalunaarutiginnissaat qaqugu pinissaa Naalakkersuisup naatsorsuutigaa? Taama nalunaaruteqarnissaq siunissamilu suliniutaasussanut, aalajangiiffigisassatullu siunnersuutinut pineqartunut siunertarineqartunut qanoq sunniuteqassava?
7. Qulaani taaneqartunut attuumassuteqarsinnaasunik allanik Naalakkersuisut paasissutissiisinnappat?

Siunersiuinerup ingerlanerani malitseqartitsissutaasunik apeqquteqartarnissani ataatsimiititaliap naatsorsuutigaa.

Ataatsimiititaliap aamma Meeqqanut, Inuusuttunut, Ilaqutariinnut, Peqqissutsimullu Naalakkersuisup akornanni siunersiuinerimi sapinngisamik naalakkersuinikkut pissutsinik oqaloqatigiinnertut iluseqarnissaa ataatsimiititaliamit anguniarneqarpoq – tassa pingaarnersiunerit anguniakkallu. Oqaloqatigiinnerit sapinngisamik atuffasserpalaartuunnginnissaat kissaatigineqarpoq.

Apeqqutigineqartut qulaani taaneqartut pillugit (kalaallisut danskisut) allakkatigut piaartumik akissutisinissani ataatsimiititaliamit qinnutigineqarpoq. Akissuteqaatit qarasaasiakkut ataatsimiititaliap allattaanut inatsisartut@inatsisartut.gl-mut aamma Inatsisartunut mika@ina.alla.gl-mut kingusinnerpaamik siunersiuinerup kinguninngua nassiateqquneqarput. Allakkiaq nassarneqassappat siunersiuinermilu atorneqarluni siunersiuinerup aallartinginnerani assilinera ataatsimiititaliap nutserisuanut tunniunneqassaaq.

Inussiarnersumik inuulluaqqusillunga



Mala Høy Kúko

Ataatsimiititaliap siulittaasua

2/2



Ilaqutariinnermut Peqqissutsimullu Ataatsimiititaliaq

Ulloq 10. marts 2023 Ilaqutariinnermut Peqqissutsimullu Ataatsimiititaliaq isumasioqatigineranut apeqquteqaatanut akissuteqaat

16-03-2023
Sulliap normua 2023 - 5508
All. nr. 22762574

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

1. Apeqqutigineqartumut siullermut 17. november 2022-imi allakkatigut akissutigineqartoq matumani meeqqanut inuusuttunullu tarnimikkut nappaatillit sullinneqarnissaminnut utaqqisarnerisa sivikillisinneqarnissaat 2023-imut Aningaasanut Inatsimmi ilaatigut immikkoortitsisoqarsimanera innersuussutigalugu Naalakkersuisumit itisilerneqarnissaa aallarniutigalugu ataatsimiititaliamit kissaatigineqarpoq?

Akissut:

Ulloq 17. november 2022 Ilaqutariinnermut Peqqissutsimullu Ataatsimiititaliaq apeqqutaanut Naalakkersuisut ataanut akissuteqarput. Siunnersuummik piviusunngortitsinissamat kingusinnerpaamik UPA2024 killiliunneqarsimappat UKA2022/30/89-ip allannguutissatut siunnersuusiorfigineqarnissaanut AIS23-mi sooq aningaasanik pingaarnersiuisoqarnissaa kissaatigineqarnerisooq naatsumik nassuiaammik itisiliisoqarnissaa ataatsimiititaliamit kissaatigineqarpoq. Naalakkersuisut ima akissuteqaateqarput:

"Meeqqat inuusuttunullu tarnimikkut nappaatillit atugaat meeqqanik inuusuttunullu tarnimikkut nappaatillit atugaasa nukittorsaasoqarnerisigut pissutsit tamakku pitsanngorsarneqartariaqartut Naalakkersuisut naliliipput. Taamaattumik 2023-mut Aningaasanut inatsimmi aningaasanik ilaatigut meeqqat inuusuttunullu tarnimikkut nappaatillit katsorsarneqartarnissaminnut utaqqisartut utaqqisarnerisa sivikillineqarnissaannut atorpeqassapput. Ilaatigut qulaajaanissamat sivikinnerusumik utaqqisarnerit pingaaruteqarput, taamaalillutik meeqqat inuusuttuaqqallu sukkanerusumik eqqortumik ikiorsinnaaniassagatsigit.

Meeqqanik inuusuttuaqqanillu tarnimikkut nappaatilinnik pingaarnersiuisoqartariaqarnerata saniatigut Peqqinnissaqarfimmi tarnimikkut napparsimasut pingaarnermik ineriartortitsinissamik pisariaqartitsisoqartoq Naalakkersuisut nalilerpaat. Taamaattumik UKA2022/30/89-mut Naalakkersuisut allannguutissatut siunnersuummik saqqummiussaqaarput, tassani kingusinnerpaamik UPA2024-mut ineriartortitsinissamik pilersaarut saqqummiunneqassaaq, tarnimikkullu napparsimasut pitsaanerusumik

*sumiissusersineqartarnissaat, qulaajaaffigineqartarnissaat
katsorsarneqartarnissaallu pillugit suliniutissatut siunnersuutininik
saqqummiussisoqassalluni."*

Siusinnerusukkut akissuteqaammi soorlu takuneqarsinnaasoq 3 mio. kr.-nit meeqqat inuusuttullu tarnimikkut nappaatillit immikkoortorta qarfianni utaqqisut ikilisinneqarnissaanut eqqarsaatigineqarput. Ilaatigut AI2023 allassimavoq:

*Meeqqat tarnimikkut nappaatillit suliniarfigineri
Ukiuumut 3 mio. kr.-nik aningaasaliisoqartassaaq. Nunatsinni meeqqat
inuusuttullu tarnimikkut napparsimasut ilaatigut sulisussanik amigaateqarneq
pissutigalugu ilungersunartorsiorput. Tarnimikkut napparsimasut
immikkoortorta qarfianni meeqqat inuusuttullu 150-it missaanniittut
isumagineqarput, ukiuumullu 125-t nutaat innersuuneqartarumaartut
naatsorsuutigineqarpoq. Meeqqat inuusuttullu tarnimikkut napparsimasut
unitsinneqanngikkaluarlutik misissorneqarnissaat qaammatini qulingiluani
utaqqisinneqartarput. Taamaattumik neriuutiginarpoq, meeqqanut - aamma
inuusuttunut tarnimikkut nappaatit pillugit misissorneqarsinnaanerannut - aamma
katsorsarneqarsinnaanerannut neqeroorutit annertusinissaat. Tamatuma
saniatigut meeqqat inuusuttullu tarnimikkut nappaammik ajornartorsiutillit sulilu
peqqinnissaqarfimmut saaffiginnissimangitsut taamaasillutillu tarnimikkut
nappaatilinnik sullissisunit suliarineqalersimangitsut imaluunniit
suliarineqalernissaminnut utaqqisut kisitsisaatigineqanngillat. Taamaattumik
najukkanut ornigulluni sulinermik suliniut ilaqartariaqarpoq.*

Tamatuma kingorna Naalakkersuisut misissueqqisaarnermik suliaqartartoq avataaneersoq peqatigalugu tarnimikkut nappaatilinnik sullissinermi ineriartortitsinissamut pilersaaruserneq pillugu Naalakkersuisut isumaqatiginnialersimapput. Suliniutip 2023-mi ukiup affaani siullermi aallartinneqarnissaa aammalu 2024-p aallartinnerani naammassineqarnissaa naatsorsuutigineqarpoq.

- 2. Ulloq 20. februar sassartitsinerimi aningaasat immikkoortinneqarsimasut suli atorineqarsimangitsut ataatsimiititaliamit paasineqarpoq. Atorfiit inuttassarsiorneqarsinnaannginnerinik, atorfiit inuttalerneqarnissaannut aningaasarsiaasaqartitsinnginnermik, ASA-llu annertuumik ajornartorsiutaaneramik, aamma peqqissutsimut sullissisunik isumaqatigiissuteqarniarnermi ajornartorsiuteqarnermik tamanna kinguneqarpoq, taamaalilluni suli annertunerusumik sulisussarsiornermi periarfissat unaminarnerulerlutik. Ullumikkornit pitsaannerusumik periuseqarnissaq pillugu aamma aningaasaliissutigineqartut aningaasallu atorineqarsimanginneri pillugit Naalakkersuisoq nassuiaaqquneqarpoq.**

Akissut:

Peqqissutsimut Naalakkersuisoq ulloq 20. februar Ilaqutariinnermut Peqqissutsimullu Ataatsimiititaliamik ataatsimeeqateqarpoq, ilaatigut meeqqat inuusuttullu tarnimikkut nappaatillit immikkoortorta qarfianni killiffik pillugu ilisimatitsissuteqarniarluni. Nunatta Nakorsaaneqarfia, Peqqinnissaqarfiup qullersaqarfia aamma tarnimikkut nappaatillit immikkoortorta qarfianni aqutsisut ataatsimiinnermi aamma peqataatinneqarput.

Meeqqat inuusuttullu tarnimikkut nappaatillit sullinneqarnissaminnut utaqqisarnerisa sivikillisinneqarnissaanut 3,0 mio.kr.-t AI2023-mut aningaasaliissutit sulii atorineqarsimangitsut ataatsimiinnermi erserpoq. Soorlu AI2023-mi allassimasoq, 20.11.70-mut Suliniutit nutaanut sillimmatit missingersuutit immikkoortiternerini, naatsorsuutigineqarpoq 2023 ingerlanerani atugassanngortinneqassasut.

Peqqissutsimut Naalackersuisoqarfimmi aningaasat atugassanngortinneqarnissaanut tunngaviusussamik iliuusissatut pilersaarummik aallartitsinikuvoq. Naatsorsuutigineqarpoq suliaq qanittumi kingusinnerpaamillu UPA2023 nallertinnagu naammassineqassasoq. Sulisussat killeqarnerat 2023-illu aallartinnerani suliasat pingaarnersiortariallit peqqutigalugit tamanna siusinnerusukkut pisinnaasimangilaq.

Meeqqat inuusuttullu tarnimikkut nappaatillit immikkoortortaqaqfianni utaqqisut ikilissinnaajumallugit sulisut pisariaqartinneqartut atorfinnissaannut Peqqinnissaqarfik tamaviaarluni ataavartumik sulivoq. Sulisussarsiornikkut inuttaqarniarnikkullu pissutsit pitsanngorsarnissaannut suliniutit itisilernerannut tunngatillugu apeqqummut 6-imut akissut ataani takuuk.

3. Piviusunngortitsinissamut aporfeqarneris pillugu nassuiaasoqarnissaanik Naalackersuisoq qinnuigineqarpoq:

- siunnersuutaaqqaartut, tassalu immikkoortut 30, 78 aamma 89
- Naalackersuisut namminneq allannguutissatut siunnersuutaat

Matumani tarnimikkut nappaatilinnik sullissinnermi sulisussanik/ imaluunnit aningaasanik/napparsimasunut tamanut atuuttumik immikkut iliuusissanik ineriartortitsinissamut nukit amigaataanerat eqqarsaatigalugu?

Akissut:

Naalackersuisut isumaqanngillat ineriartortitsinissamut pilersaarusiornermut tunngatillugu UKA2022/30/89-imut allannguutissatut siunnersuutit piviusunngortinnissaanut annertuumik aporfeqassasoq. Siuliani apeqqummut 1-imut akissummi allaaserineqartut tamatumunnga aallarniutaasumik suliaqarneq aallartinneqareerpoq, taamaalilluni UPA2024-mi saqqummiunneqarsinnaassaaq.

AI2023-mi meeqqat inuusuttullu tarnimikkut nappaatillit sullinneqarnissaminnut utaqqisarnerisa sivikillisinneqarnissaanut ukiumut 3,0 mio.kr.-t kiisalu Dronning Ingridip Napparsimmavissuani nuna tamakkerlugu meeqqanut immikkoortortamik pilersitsinnermut ukiumut 8,7 mio.kr.-t aningaasat immikkoortinneqarsimasut UKA2022/78-mut allannguutissatut siunnersuummut piviusunngortitsinissamut tapiutaassapput.

Tarnimikkut napparsimasut immikkoortortaqaqfianni inuttaqarniarnikkut pissutsit pissutigalugit UKA2022/78-imi aallaqqaammut aalajangiiffigisassatut siunnersuutit piviusunngortinnissaanut aporfeqartoq Naalackersuisut naliliipput. Allatut oqaatigalugu siunnersuummi oqaatigineqartutut tarnimikkut

nappaatilinnik sullissinermi sulisunik suleqatigiissitamut ilanngussinissaq ajornakusoorpoq. Periarfissatut allatut sulisut misilittagaat tarnimikkut nappaatilinnik sullissinermut ineriartortitsinissamut pilersaarummut ilanngunneqarsinnaapput, soorlu tamanna UKA2022/30/89-imi allannguutissatut siunnersuuteqarnermi allaaserineqartoq, taannalu avataanit suleqataasartumit suliarineqarpoq.

Siunnersuummi allaaserineqartutut piffissaliussap sivikinnera eqqarsaatigalugu 2022/89-ip aallaqqaammut aalajangiiffigisassatut siunnersuutip piviusunngortinnissaanut aporfeqartoq Naalakkersuisut naliliipput. Taarsiullugu tarnimikkut nappaatilinnik sullissinermut ineriartortitsinissamut pilersaarutip UPA2024-mi saqqummiunneqarnissaa naatsorsuutaavoq.

4. Siunnersuutigineqartut piviusunngortinneqarnissaannut aningaasat amigaataasimanersut imaluunniit siunnersuutigineqartut piviusunngortinneqarnissaannut sulisunik amigaateqarneq pissutaanersoq pillugu Naalakkersuisoq nassuiaaqquneqarpoq?

Akissut:

Apeqqummut 3-mut akissutaani allannguutissatullu siunnersuummut UKA2022/78-mi allaaserineqartutut peqqinnissaqarfimmi meeqqat inuusuttunullu qulaajaavigineqartarnerisa katsorsarneqartarnerisalu pitsanngorsarnissaannut AI2023-mi meeqqat inuusuttullu tarnimikkut nappaatillit sullinneqarnissaminnut utaqqisarnerisa sivikillisinneqarnissaanut ukiumut 3,0 mio.kr.-t kiisalu Dronning Ingridip Napparsimmavissuani nuna tamakkerlugu meeqqanut immikkoortortamik pilersitsinermut ukiumut 8,7 mio.kr.-t aningaasat immikkoortinneqarsimapput. Utaqqisarnerup sivikillineqarnissaanut misissueqqissaarneq aamma aningaasaqarnikkut naatsorsuutinik nassuiaasiorneq imaluunniit tarnimikkut nappaatilinnik sullissinermi pingaarnertut ineriartortitsinissamik pilersaarusiornissamut AI2023-mi aningaasanik immikkoortitsisoqarnikuunngilaq. Taakkua Peqqissutsimut Naalakkersuisoqarfiup sinaakkutissatut aningaasaliissutit iluanni aningaasaliigivineqarnissaat naatsorsuutigineqarpoq.

Peqqinnissaqarfimmi suliniutit Aningaasanut inatsimmi aningaasaliissutaasunit matussuserneqarsinnaanerat nalileneqarpoq. Taamaattorli inuttaqarniarnikkut inissisimaneq ataavartuortoq UKA2022/30/78/89-mi siunnersuutigineqartut ilaannut piviusunngortitsinissamut sunniuteqarsinnaapput. Assersuutigalugu inuttaqarniarnikkut inissisimaneq meeqqat inuusuttullu tarnimikkut nappaatillit sullinneqarnissaminnut utaqqisarnerannut sivikillisinneqarnissaanut sunniuteqarsinnaavoq.

5. Immikkoortuni 30 aamma 89 siusinnerusukkut suussusersiniaanermik siusinnerusumik piffissaatillugulu ikiorsiisarnissap sammineqarnissaa pineqarput. Suliassaqarfiit akimorlugit suleqatigiinnermut tunngatillugu pitsaanerusumik Naalakkersuisut qanoq qulakkeerinninniarpat, pingaartumik napparsimavinnut perorsaasutut ilinniarsimasunik

ikiorserneqarnissamut pisinnaatitaaffeqarnermut, MISI aammalu meeqqat atuarfiinik suleqateqarnermut tunngatillugu?

Akissut:

Peqqinnissaq pillugu Ataatsimiititaliarsuup isumaliutissiissutaanut UPA2023-mut saqqummiunneqarnissaanik naatsorsuutigineqartumut Naalackersuisut innersuussipput. Naatsorsuutaavoq isumaliutissiissut peqqinnissaqarfiup, kommunit suleqatigisartakkallu allat attuumassuteqartut akornanni suleqatigiinnerup pitsanngorsarnissaanut kaammattuutininik imaqqassasoq.

Tamatuma saniatigut Naalackersuisut UKA2022/30/89-imut allannguutissatut siunnersuummi saqqummiussipput tarnimikkut nappaatilinnik sullissinermut, ilaatigut pitsaanerusumik paasiniaanissamut, qulaajaanissamut katsorsaanissamullu tunngatillugu siunnersuutininik imaqtussamik ineriartortitsinissamut pilersaarusiortoqqassasoq. Tassani aamma susassaqarfiit akimorlugit suleqatigiinnermi pitsanngorsaataasinnaasunik misissuinissaq tulluarsinnaavoq.

- 6. Peqqinnissaqarfiup ilinniarsimasunik sulisussarsiornerani unammilligassat aammalu sassartitsinermit atatillugu Naalackersuisup oqaatigaa pingaarnersiunermit nalunaarsuiffik ersarisoq pillugit qaqugu tamanut nalunaarutiginnissat qaqugu pinissaa Naalackersuisut naatsorsuutigaa? Taama nalunaaruteqarnissaq siunissamilu suliniutaasussanut, aalajangiiffigisassatullu siunnersuutininut pineqartunut siunertarinqartunut qanoq sunniuteqassava?**

Akissut:

Peqqinnissaqarfimmi sulisussarsiornermik unammilligassat pillugit Naalackersuisut ulloq 3. marts 2023 tusagassiorfinnut nalunaarummi ilisimatsissuteqarput. Tassani takuneqarsinnaavoq peqqinnissaqarfimmi ajornartorsiutit qaangerniarlugit suliniutit aalajangersimasut pingasut aallartinneqartut.

- 1) Kalaallit Nunaat tamakkerlugu nakorsanut taartaasartunullu ikorfartuinermit qulakkeerinnittussamik nakorsat immikkut ilisimasallit aalajangersimasut pigaartuusarnissaannik aqqissuussinissaq sulissutiginiarneqarpoq.
- 2) Nunap immikkoortuini nalinginnaasumik sulinerup nukittorsarneqarnissaa sulissutigineqarpoq, taamaalilluni innuttaasut ulluinnarni nappaatiminnik iliuseqarfiginninniarnerrannut atatillugu pisariaqartitaannut tunngatillugu pitsaanerusumik iliuseqartoqqassammat
- 3) Innuttaasut sapinngisamik piaartumik eqqortumik katsorsarneqarnissat qulakkeerniarlugu pinasuartumik pilattaasarnit qitiusumut katersornissat sulissutigineqarpoq.

Tamatuma saniatigut tarnimikkut nappaatilinnut immikkoortortaqarfimmi peqqinnissaqarfimmi sulisunut attuumassutilinnut paarlaasarnermut aqqissuussinnaanissamut ikiorneqarnissamik Naalackersuisut danskit naalagaaffiannit oqaloqateqarput.

Tamatuma saniatigut Naalackersuisut paasissutissiissutiginnavaat Inatsisartuni ilaasortanik oqalliseqateqarnissamut peqqinnissaqarfimmut

pinasuartumik aningaasaliinissap nutaap saqqummiunnissaa piareersarneqarmat.

7. Qulaani taaneqartunut attuumassuteqarsinnaasunik allanik Naalackersuisut paasisutissiisnaappat?

Akissut:

Pingaarnersuineranut peqqinnissaqarfimmi ineriartortitsineranut tunngatillugu Naalackersuisoq ataatsimut isigalugu Peqqinnissaq pillugu Ataatsimiititaliarsuup suliaanut (UKA2019-98)-imut, UPA2023-mi saqqummiunneqarnissaanik naatsorsuutigineqartumut innersuussivoq. Ataatsimiititaliarsuaq peqqinnissaqarfimmi suleriaatsit ataatsimut pitsanngorsaaffiginissaannut innersuussutinik suliaqarpoq, pingaarnertigut sulisussarsiortarnernut, sulisut sulisorineqaannarnissaannut kiisalu Danmarkimi nunanilu allani suleqateqateqarnernut tunngasut. Innersuussutigineqartut peqqinnissaqarfimmi aaqqissuusseqqinnissamut Inatsisartunut politikikkut tunngaviliissapput.

Tarnikkut nappaatillit immikkoortotaqarfianni unammilligassaq aamma kapitalimi immikkut ittumi ataatsimiititaliarsuup isumaliutissiissutaani eqqartorneqassasoq naatsorsuutaavoq.

Med venlig hilsen
Inussiarnersumik inuulluaqqusillunga

Mimi Karlsen

